

歷代倫理學文獻輯刊

吳平 葉憲允 張藝續 編

29

國家圖書館出版社

吳平 葉憲允 張藝績 編

歷代倫理學文獻輯刊

29



國家圖書館出版社

第二十九冊目錄

孝弟圖說不分卷	(清)倭仁編	清同治十三年(1874)武林任有容齋刊本		一
藥言二卷	(清)拙修老人撰	清光緒二十七年(1901)上海養晦堂刊本		一三三
卷上				二三七
卷下				三六九
裏言	(清)拙修老人編	清光緒三十四年(1908)撫州府署石印《格言彙編》本		五〇五
藥言勝稿一卷	(清)拙修老人撰	清光緒三十四年(1908)撫州府署石印《格言彙編》本		六〇五
唐封翁手書格言	唐若欽輯	民國十四年(1925)影印本		七三九

同治甲戌刊

孝弟圖說

陳德銘書眉



板存浙省藩司前
中太平巷口東首
任有容齋刻字鋪

孝弟圖說序

竊以孝弟為行仁之本蒙養乃
作聖之基魯論教弟子首言入
孝出弟蓋所以養其愛敬之良
而仁民愛物即由此而推也滇

南李復齋先生舊有孝弟錄一
書采集詳備按語精實厥後劉
廣文丙菴曾刊行於世江南徐
氏復就其書略為刪節繫之以
圖而重梓之名曰孝弟圖說俾

童子講習明白易曉以感發其
愛親敬長之心誠善本也余嘗
手錄其說訓課子姪諸同人見
而好之謂劉徐刻本世不多觀
欲醵資重鐫以廣其傳因出余

所錄本復按說繪圖用付剖剝
嗟乎秉彝之良人心同具讀是
書者孝弟之心當油然而生矣
同治三年嘉平上浣長白倭仁
序

文昌帝君勸孝文



帝君垂訓曰今日是元旦為人間第一日吾當說人間第一事何謂第一事孝者百行之原精而極之可以參贊化育故謂之第一事赤子離了母胎在孩抱便知得故謂之第一事舍此一事並無學問舍此一事並無功業舍此而立言則為無本之言舍此而能功蓋天下到底不從性分中流出必作偽以欺國負本以滅身天地是孝德結成日月是孝光發亮孝之道言不可得而盡也為人子者事富貴之父母易事貧賤之父母難事康健之父母易事衰老之父母難事具慶之父母易事寡獨之父母

母難夫富貴之父母出入有人扶持居止有人陪從其願常給其心常歡貧賤之父母舍卻白髮夫妻誰為言笑離了青年子媳莫與追隨人子一日在外父母一日孤悽為人子者善體其情能頃刻離左右也乎康健之父母行動可以自如取攜可以自便朝作暮息可以任意訪親問舊可以娛情衰老之父母兒子便是手足不在面前手足欲舉而不能媳婦便是腹心不在膝下腹心有求而不遂時而欣欣於內時而戚戚於懷為人子者善體其情能頃刻離左右也乎具慶之父母日間有以作伴夜間有以相溫晝無所事相與說短論長夜不成眠互為知寒

道暖寡獨之父母兒女雖有團圓之樂夫妻已成離別之悲家庭之內獨行踽踽涼涼形影之間惟有悽悽楚楚為人子者善體其情能頃刻離左右也乎嗚呼試問身從何來親為生我之本孝為何事人所自有之心見我此章而不動心者非人也見我此章而不墮淚者非人也逆子忤媳見我此章而不化為孝子順媳者與禽獸何異人人得而誅之者也

[illegible]

孚佑帝君勸弟文

人生最親切者無如兄弟同此父母同此氣血同此胞胎安可
不同此性情乎幼時總角斑衣鰕果共食竹馬同騎出入嬉游
不離跬步何其相愛相樂也及至長成分居授室或因妻妾枕
言蠱惑或因朋友簧語動搖或因財產利心攘奪有此三者遂
使友愛頓成嫌隙手足化作戈矛仇心切齒鬪牆之鬪由是來
矣不知朋友勢衰則去利盡則疏一有患難畏避不暇誰肯赴
湯蹈火為之拯救兄弟雖大怨大恨者義難坐視情難忽然理
上說不去亦當挺身而出為之百方營解而後已故吾見朋友

援溺者甚少而兄弟救難者實多也是朋友不如兄弟者如此妻妾情意相孚恩愛交篤或有不幸中道死亡安保琵琶不上別船此時親戚流涕而送子女牽裾而哭毅然另嫁曾不回頭遺孤在室屬之何人兄弟情關骨肉義難棄捐理上行不去自當為之撫養教誨使之成人而後已故吾見妻妾棄子者儘多而兄弟存孤者不少也是妻妾不如兄弟者又如此嗚呼世人亦何苦溺妻妾而仇兄弟信朋友而疏手足哉至於財產乃祖父所遺爭之奪之或鬪或訟各不甘休祖父在堂者豈不痛心歿地者焉能瞑目謂一生辛苦勤劬本作兒孫之久計反為豚

犬之爭端安耶否耶而况兄弟者同氣同根譬之一幹兩枝一
枯一榮譬之一身兩足一能行一不能行彼枯而不能行者則
已矣彼榮而能行者勢能久乎何不思之甚也孰若互推互讓
不奪不爭上以安祖父之心下以敦同氣之好使根枝敷榮手
足扶助其為計不亦大而可久哉吾願世人有兄弟者當回想
幼年總角時饒果共食竹馬同騎曾幾何時離離白首霜染鬚
眉正宜相友相愛培田氏之荆溫姜家之被書張公之忍字猶
恐不及矣思之思之其毋忽

